

欽定剿平三省邪匪方略

欽定剿平三省邪匪方略緒編卷二十四

甲子年

二月初七日

丁卯

吳熊光奏言查德楞泰現剿之

賊實不下三百餘人除苟姓外尚有賊目三人

不知的實姓名內有一百數十人係積年陳賊

餘俱陸續奏集緣川省兵力漸疲且有新調補

額者遇賊未能衝鋒奮擊致稽剿洗德楞泰因

賊常至營盤相近買賣街滋擾設計用毒入於

食物之內聽賊搶掠匪黨中毒者約三四十人  
詎賊奸猾異常知係中計當用糞汁灌救所損  
無多旋於正月十三日經提臣楊遇春追至平  
溪河後山與賊接仗殲斃執旗賊目一名雖稍  
挫其鋒未能痛加殲洗該匪復向安康折竄楊  
遇春由斑鳩關扼截德楞泰自麻柳壩探剿乃  
該匪撇去斑鳩關麻柳壩由中路向西北奔竄

有趣任河之勢臣查該匪所向西通漢中北達

石泉紫陽江岸刻下灘高水淺處處可以涉渡

雖德楞泰已得信派兵由鐵佛寺兜截但未知

能否截回因此時賊在漢江以南奔竄未定房

竹官兵勢難抽撤臣已飛飭江北之鄖西縣糾

集義勇協同原駐官兵預備併力遏絕以免乘

隙闖入其小股賊匪九十餘名亦係積慣零匪

陸績攢集尤爲狡悍現在平利之千家坪一帶  
往來游奕經總兵王兆夢副將閻俊烈分投截

剿

臣

因該匪相距楚界不遠疊次嚴飭總兵慶

溥副將呢瑪善等晝夜嚴堵不使一名竄越目

下楚境均屬寧謐東南之歸州巴東一帶距賊

較遠現今情形北路較南路更關緊要

臣

已札

知慶成酌量情形或由襄鄖一帶巡閱新添營

伍暫爲卽西聲援俟賊蹤稍定再赴二竹督率  
嚴防再隨征鄉勇人數旣多又復貪得無厭承  
辦賞項之人祇應默存諸心隨時酌辦似未可  
將格外從優實情遽行宣露致使羣起效尤

臣

聞副將呢瑪善營內叅將王占鰲所帶鄉勇係  
提臣長麟帶兵時隨營招募人數本雜前後具  
稟多有情願入伍者近聞可得重賞均思回籍

不願充兵必須設法駕馭隨密飭該副將將防

堵官兵暫緩裁撤日內始安靜如常

臣

擬俟陝

省賊匪撲滅後先撤各路防勇再將此起練勇

酌量安頓現在陝省之總兵劉瑞所帶貴州官

兵剿賊尙屬得力似應暫留協剿俟陝省賊匪

剿淨再行凱撤奏入

上命軍機大臣傳諭吳熊光曰楚省邊界早已廓清

惟陝西漢江南岸及平利之千家坪一帶尙有零  
匪往來奔竄該處與楚省相距不遠恐該匪乘間  
逸入吳熊光應分飭慶溥呢瑪善等晝夜嚴防不  
使一名竄越此時陝省零匪尙未辦淨叅將王占  
鰲所帶兵勇正資防堵自應暫緩裁撤吳熊光總  
當俟陝境賊匪撲滅時先撤各路防勇再將此起  
練勇妥爲安頓勿令稍滋事端



初九日

已

德楞泰奏言查苟朝九竄匪前經官

兵截剿後又與前次楚境竄來之賊二三十人

合夥屯於盤河腦上老林恃險不出當卽分兵

抄襲堵剿查盤河腦上老林萬山重疊其中有

紙廠草棚數間賊衆聚集於彼節節一線羊腸

總須魚貫而行兵力勢難施展惟有步步進逼

以圖攻剿經楊遇春帶兵扼據廟溝一路

臣又

催飭總兵劉瑞副將馬應國馬元叅將哈豐阿等各路拏卡進逼該逆遂竄至平溪河衝撲遊擊劉元明等營卡欲圖北逃當經劉元明督同兵勇施放鎗箭竭力堵截鎗斃賊匪數名該逆屢進屢退被官兵鎗擊箭射仍由原路向藥扒而逃其勢又欲東奔斯時副將馬應國馬元叅將哈豐阿等趕到箇壩與總兵劉瑞分投將東

面之夾烟壩銅癸堙兩處扼住楊遇春又率副將吳廷剛等馳赴滄水河直向藥扒而進楊遇春趕抵該處探查該逆尙未竄出料其必仍由平溪河簡壩而逃當卽飛咨馬應國等嚴密堵截又查官園一帶亦爲西北要區飛劄總兵達自祥就近移兵馳往扼據卽令遊擊李國棟都司高星文花翎千總胡超等帶領兵勇六百名

直搗賊巢適值夜間雪霧甚大李國棟等乘間  
鑽林越箐黎明進至賊巢有放哨賊匪二名當  
被戮死一名賊衆聞聲盡由草棚內撲出與兵  
勇對殺當斃賊六名該逆拚死抵敵林深箐密  
雪霧中兵賊莫分時楊遇春聽聞鎗聲又令副  
將吳廷剛帶兵自滄水河入林西進副將馬元  
帶兵自北而進賊始向巖邊潛逃李國棟高星

文等追至巖下忽巖上有賊壓下逆衆回身又復力拒官兵奮勇剿殺又殺賊四名生擒二名賊見東北兩路皆有官兵吶喊卽轉向南奔兵勇沿途追趕又殺賊七名生擒一名直至目連堽該逆佔踞堽口憑高推滾亂石因路仄冰滑屢次仰攻不能搶上旋探該逆連夜南竄翻大楊泗巖向川境太平之老鴉口半河一帶奔逃

劉瑞馬應國馬元等恐其西走羊耳壩入陝遂

卽帶兵取道大界嶺羊耳壩顧西北進剿

臣查

該逆詭譎異常往往指東向西倘南走菜子壩

紅花梁東折後坪一帶繞出黃墩則又竄至平

利地界卽令楊遇春帶兵由南天門過河趕剿

其八仙河支河等處尤爲賊匪必由之路隨飭

總兵喜明王兆夢帶兵三千名至河腦一帶偵

探迎截又漢江口如西鄉紫陽上游一帶綿長數百里現只有叅將安定邦帶兵千名在彼往來巡防不敷兼顧當派總兵達自祥帶兵一千名前赴西鄉之七里壩督飭堵禦總兵楊芳亦帶兵在北岸一帶防範並令各地方文武將沿江大小船隻全行停泊北岸一體嚴防再查斑鳩關九拱坪麻柳壩相距漁渡營不遠該處爲

川陝通衢雖有汛兵不足以資彈壓現亦派遊擊嚴福全帶兵五百名前赴漁渡管會同同知嚴如煜都司張俊搜捕臣將陝境江防邊防佈

置後於二十五日督率總兵馬瑜等取道漳河坪青草坪入川二十七日行至南天門山下接准楊遇春來信賊匪南竄至菜子壩又向後坪東竄恐其北折陝境已帶兵取道高觀寺抄出



黃墩迎剿查後坪右走大寧左通黃墩均可繞  
出陝楚現據獲犯供稱該逆總欲折陝是以

臣

卽暫駐南天門山下青草坪老林探明賊蹤俟  
其深入川境再爲繼進若賊北向黃墩

臣

卽折

回漳河坪取道孟石嶺支河口督師截剿又據  
總兵喜明王兆夢稟報副將閻俊烈叅將李朝  
顯遊擊璩嘉驥等追剿之賊探由正陽河屯西

溝老林當帶兵分路前往該逆先於林內埋伏  
見我兵將至突出下壓兵勇竭力迎剿立殺賊  
匪七名該逆敗走朱橋河一帶有入川之勢閻  
俊烈督同守備羅光元等帶兵進擊鎗斃賊匪  
二名守備羅光元等奮力撲至林頂忽有伏賊  
從傍衝出閻俊烈右膀被矛傷兩處尙不甚重  
惟羅光元外委朱啟才猝中矛傷陣亡該匪又

向讓河腦老林逃逸又據田朝貴稟報據桂涌  
羅思舉在黃柏廠白笋坪搜剿生擒賊匪十名  
解交該縣審辦

臣

查據供詞內白紹文係偽先

鋒其餘陳賊七名均分別凌遲正法餘二名被  
擄未久卽令省釋查現在川北一帶地方業已  
寧靜川東之萬縣開縣太平新寧等處間有三  
五零匪兵至則查探無蹤兵去則出沒摸稜現

在田朝貴等在彼分兵排搜亦易掃洗至三省情形陝西之苟朝九賊股現已入川此外惟閩俊烈剿辦之數十名一起臣惟有勉力鼓勵總期於二月內將此股賊匪掃淨并將遣撤兵勇善後事宜妥爲籌辦不敢逾緩

德楞泰又奏言遵查川陝楚三省鄉勇現在隨征者川省有二千餘名陝省有千餘名楚省亦

不過二千名又查遣撤鄉勇章程內本省者每名賞銀二兩外省者每名賞銀三兩其銀當給一半其一半令護送委員賚至本地給發每名又給收繳矛桿銀五錢沿途按站給以口糧回籍安業此從前辦理之章程也但鄉勇隨征多年深資其力遣撤時只給銀二三兩實有拮据不堪之苦又如現在隨征之勇奔馳又復兩年

較之從前遣撤者倍形勞苦以目前事勢而論  
不得不稍爲變通臣再四籌畫擬俟零匪搜盡  
時所有五六七八品頂戴及藍翎軍功願入伍  
者查照

恩旨分散各標管酌補其不願者分造清冊咨部立  
案准其頂戴榮身無論本省外省鄉勇每名酌  
賞銀十兩其藍翎軍功並有頂戴者無論品級

每名酌賞銀十五兩仍再按站遠近折給口糧  
銀兩其轍矛桿之價毋庸再給伊等得此重賞  
則管謀之資衣履之費均可裕如自必欣感樂  
從斷不致別有滋事所有給賞銀兩遣撤時專  
派道府等眼同給發查三省現留兵勇不下三  
萬餘名每月約需銀十餘萬兩所有三省隨在  
鄉勇不過五千餘名若照此優加恩賚只共需

銀五萬餘兩惟係例外加增之項核與原定章程不符未便再於軍餉項內支銷請由文職督撫司道下至州縣武職將軍提鎮下至守備捐廉辦理

同日賽冲阿奏言

臣

仰蒙

恩旨調補西安將軍兼程赴任向撫

臣

方維甸詢問

近日賊情知苟朝九與叛勇等湊聚之賊勢頗



狡悍自平溪河打仗之後尙未得掃蕩捷音現  
已翻山向川境渡口場奔竄伏思渡口場地方  
西係定遠廳邊界難保其不復折竄隨挑滿營  
官兵一百名軍標官兵二百名於初三日自省  
起程由南山捷徑馳赴德楞泰軍營無論賊匪  
竄陝竄川俱往幫同德楞泰剿辦不敢稍分畛  
域均奏入

上命軍機大臣傳諭德楞泰曰此次苟朝九零匪經官兵兜剿逼向川境太平之老鴉口一帶奔逃正當乘賊殘敗之時分派將弁緊躡窮追就地殲戮不可聽其折回北竄德楞泰因漢江上游綿長數百里僅有叅將安定邦在彼巡防恐難兼顧已派總兵達自祥帶兵千名前赴西鄉督飭堵禦並將船隻提赴漢江北岸所辦尙是現在德楞泰駐劄

南天門扼要堵截並派兵分投追捕據稱總期於  
二月內將此起賊匪掃淨切勿再有耽延自逾定  
限昨派額勒登保查閱陝省及湖北安襄鄖營伍  
至遲三月初旬卽令起身德楞泰於額勒登保未  
到陝省以前須上緊將苟朝九一起殲除淨盡務  
當勉益加勉趕緊於二月內辦竣至閻俊烈在朱  
橋河剿辦數十名一起賊匪突遇伏賊該副將右

勝竟中矛傷兩處幸不甚重賊匪隨向老林逃逸  
因思苟朝九賊股之外惟閻俊烈所剿之賊人數  
稍多今該副將係帶兵之員身受矛傷其部下兵  
丁恐形單弱現據賽冲阿奏挑帶官兵前赴德楞  
泰軍營幫辦德楞泰聲威素壯自無須賽冲阿前  
往協剿著德楞泰傳知該將軍卽赴閻俊烈一路  
幫同剿捕並顧陝境北面再另摺奏籌議裁撤鄉

勇章程據稱俟零匪搜淨時無論本省外省鄉勇  
每名酌賞銀十兩其藍翎軍功並有頂戴者無論  
品級每名酌賞十五兩等語未免無所區別外省  
鄉勇遠涉從征自應量加優給若本省鄉勇則當  
酌減如陝楚鄉勇之在川散遣者每名賞銀十兩  
其川省本地鄉勇祇當減半賞銀五兩軍功等如  
在川散遣籍隸陝楚者每名賞銀十五兩其籍隸

本省每名賞銀十兩仍按站遠近折給口糧其繳  
牙桿之價自無庸再給所有陝楚各鄉勇知照一  
體辦理並須曉諭各軍功鄉勇從前遣散時每名  
例得賞銀二兩今因爾等隨同官兵搜捕零匪又  
閱兩年較前此裁撤之鄉勇更加辛苦是以皇上  
俯念勤勞恩賞逾格爾等俱當益知感激各回鄉  
里謀生無稍滋事迨遣散時其人數應以數十人

爲一起斷不可多至百名每遣一起須相隔數日  
沿途行走地方官既易照料伊等亦可不致聚集  
騷擾至所稱加賞銀兩請於該省文武官員養廉  
內攤捐所見者小自剿辦邪匪以來所費帑金已  
不下十千餘萬此時辦理善後裁撤鄉勇所賞銀  
兩亦屬無幾又焉用地方官捐廉公辦爲耶著將  
此項賞銀准其作正開銷所有陣亡之守備羅光

元外委朱啟才俱著咨部賜卹

十八日

戊寅

德楞泰奏言

臣

於正月三十日據報

賊匪竄由菜子壩一帶折向後坪東走隨經楊

遇春等取道高觀寺抄出湯桐二壩遏截

臣

卽

移師由南天門入川趕抵修溪壩扼其西北嗣

據探報該逆已從後坪翻山左走百里荒老林

在十二菴屯紮桂涵羅思舉等帶領兵勇由土



黃壩行次楊家壩與劉瑞馬應國馬元李國棟  
高星文等會合設法進剿嗣據探兵帶回逃出  
難民供稱該逆屯於老林中之二道棚將該處  
新開木廠一所搶佔住紮要走湯桐二壩轉過  
湖北去等語臣隨卽督率總兵馬瑜等向後坪  
而進旋在楊遇春來信該逆尙未出山東窺當  
於百里荒東口之黃連壩扼要堵截因山徑逼

从林木深密兵力不能施展只得逐層擊卡步步進逼初四日該逆見我兵擊卡竟敢率眾衝撲當被兵勇剿擊立斃賊匪五名生擒二名餘匪敗回巢穴初五日桂涵羅思舉李國棟高星文等帶兵趕至百里荒十二巷地方有賊匪百餘名憑險下撲當卽奮勇仰攻斃賊六名該逆遂不敢下壓只據險推拋木石桂涵李國棟等

卽於該處擊卡以圖漸次逼進旋據遊擊涂陞稟報自大寧追來零匪二十二名現由新田壩遁入百里荒趕至湯家壩與都司史定川會合知此股零匪業與陝來竄匪併合恐賊由東南五風山逃走卽在五風山設伏夾擊豐紳在太平廳聞竄匪有被追入川之信亦帶兵東來趕

臣參奏

臣

又合恭摺馮文武臣擊賊大印等

抽帶兵一千各前赴亢河腦截其北竄黃墩之  
路田朝貴正在大竹搜捕零匪亦由東鄉向太  
平明通井探迎前來查百里荒老山毗連陝楚  
林深箐密周圍數百里臣兵行曾經四次其中  
採藥小徑甚多絕無寨砦內有新開木廠一處  
如二道棚大柴溝打火壩等處均爲險隘之區  
該處歷年賊股往來奔竄從未屯踞其中當此

功虧一簣之際如不稍爲持重急欲輕進深恐  
無濟於事是以令各路官兵連日逐層拏卡步  
步進逼楊遇春現由百里荒東江黃連壩而進  
馬文斌在正北之亢河腦徐陞史定川在東南  
之五風山劉瑞馬應國馬元桂涵等在西北之  
十二菴各路逐日進逼拏卡均有擊斃賊匪豐  
紳扼住修溪壩

臣

又在後坪該處老荒周圍數

百里雖不能碁布星羅然東西北三面均有重  
兵擊卡進逼無論竄向何處俱可剿擊其南面  
一帶現在田朝貴帶兵由南向北而來臣已令  
其緊顧西面在於相距百里荒五六十里或百  
里之間擇要預爲設伏以待探蹤迎擊雖該逆  
又與涂陞追來零匪併合一處亦不過二百數  
十人該逆搶糧無幾不能久踞勢必思逃竄出

山一俟其向南奔逃前迎後擊自可易於剿洗  
查三省只有此兩起賊匪均在川陝邊界一帶  
此時大兵雲集各路將領多係歷年打仗得力  
之員自遊擊以上至提督等尙有數十人分佈  
各路帶兵實不乏員至兵勇兩項核計川陝兩  
省除分防外隨征者不下五六千名足敷派撥  
况又有額勒登保留存楚省馬隊一百名現在

隨征總因該逆依仗險阻所屯之處無非逼仄  
陡崖加之冰雪溜滑馬不能前致兵力未能施  
展臣惟有嚴密趕辦總當於三月內一律蕩平  
萬不敢因循延宕自干咎戾奏入

上命軍機大臣傳諭德楞泰曰德楞泰自初九日奏  
報之後迄今又閱旬日不但未經痛剿且伊前奏  
二月內可以辦竣今復展至三月似此輾轉遷延



又落故套成何事體從前德楞泰帶兵剿賊斬馘擒渠原屬奮勇出力而此次督辦零星餘匪已經數月未能上緊剿除以至該逆等沿邊奔竄復遁入老林屯紮仍不能剋期完竣所辦何事豈心滿意足中道自畫朕既能施恩卽能加罪德楞泰著傳旨申飭又摺內稱據探兵帶回逃出難民均係被賊擄脅入夥既有陸續逃出之人則現在賊中

者爲數自必不少可見賊匪依然到處裹脅若不  
亟爲殲淨必致日聚日多又據稱分飭各路官兵  
於東西北三面圍逼該匪等既恃險屯聚祇將三  
面圍逼又復空出正南一面將來賊匪自必從此  
竄出明係預爲地步况該處祇有田朝貴一路兵  
力豈能迎頭截剿勢必仍行肆竄辦理毫無把握  
看來德楞泰前次誤聽鄉勇等爲賊匪所乞之語

心存招撫將弁等亦因之搜捕懈弛致稽時日現  
已諭令額勒登保卽日起程馳赴軍營會同督剿  
此股零匪本係額勒登保搜剿未了之事亦應責  
成辦淨德楞泰惟當一面督飭鎮將等上緊兜剿  
不可專俟額勒登保到營稍存觀望伊旣自行定  
限於三月內一律辦淨不得再有遲逾又據稱帶  
兵之員實不乏人兵勇足敷派撥德楞泰旣知將

廣兵多無庸添調尤當倍加鼓勵依限辦竣勿墮  
前功

同日吳熊光奏言竊臣接據探報陝省竄匪經

總兵楊芳在漢江堵截該匪隨折向南竄直趨

川省太平縣屬之修溪壩等處現入後坪老林

德楞泰楊遇春等已分投帶兵追捕其總兵王

兆夢等所追小股九十餘人聞係王姓賊匪爲

首於正月二十六日竄至平利之鎮坪燒搶滋擾都司麻光裕聞信帶勇趕往賊匪先已由乾溝西竄現在太陽崗黃柏埡一帶往來遊奕王兆夢喜明等趕往剿辦查黃柏埡與川省之大寧太平均屬連界該匪亦有入川之勢楚境現雖一律寧謐第界外川陝餘氛奔竄無定臣仍督飭嚴防不敢疎懈奏入

上命軍機大臣傳諭吳熊光曰陝省苟逆一股據德  
楞泰奏到竄至百里荒老林現經官兵三面進逼  
已在川省太平地方其閩俊烈所追小股九十餘  
人亦有由黃柏埡入川之勢去楚皆遠但賊蹤奔  
竄無定不可以楚境寧謐防堵稍存懈弛吳熊光  
惟當與慶成督飭各鎮將隨時偵探加意嚴防勿  
令竄匪一名闖入爲要

十九日

巳卯

上諭內閣曰本年正月間兵部奏輪應查閱之湖北等省營伍及上年額勒登保奏請展期查閱之陝省各營請派大員查閱朕以陝省及楚北之安襄鄖三府營伍官兵數年來隨同剿賊且營制多有新設額勒登保較爲熟悉是以降旨仍派額勒登保馳驛前往今據奏稱卽日起程因思三省地方

白肅清以後民氣甫經安輯而川陝邊界一帶大山老林尙不免有一二零匪涵迹滋事尤當趁此搜捕淨絕永靖閭閻且裁撤兵勇以及安設邊防各事宜亦關緊要德楞泰一人駐彼猶恐未能周至著額勒登保先行馳赴該處會同督辦妥速經理務臻盡善俟歲事後將各處營伍以次巡查完竣再行回京所有應用文移等項著將欽差大臣



關防賫帶鈐用其所請現在來京引見之陝西知州方載豫四川知縣顧紹先二員均著准其隨帶並令一併馳驛

上又諭內閣曰額勒登保現派赴陝西等處查閱營伍並協同德楞泰辦理善後事宜搜捕零星餘匪請將乾清門藍翎侍衛博順二等侍衛延品三等侍衛色克通阿圖勒畢善吉勒通阿富祥攜帶前

往等語博順原係三等侍衛前因獲咎降爲藍翎  
侍衛今隨同額勒登保出差著加恩仍賞三等侍  
衛並由廣儲司賞銀五十兩治裝馳驛前往

二十二日午賽冲阿奏言臣面奉

諭旨趕赴平利一帶會晤德楞泰商同搜捕零匪前  
抵西安時據探報苟朝九等合夥之賊已向川  
境渡口場奔竄德楞泰尙無移營之信隨將酌

帶滿漢官兵由南山捷徑馳赴德楞泰軍營茲  
帶領官兵三百名兼程行走於十一日行抵平  
利白土關詢據署平利縣知縣任奎光稟稱探  
聞德楞泰於正月十三日由安康之南天門入  
川跟剿苟朝九等一股零匪現在不知師行何  
處副將閻俊烈所追之賊正月二十六日奔竄  
縣屬黃泥扁總兵王兆夢喜明由縣屬鎮坪地

方截剿現聞該匪有竄匿八仙河八道河一帶  
老林之信并據防守白土關遊擊胡定泰稟報  
相同伏查八仙河距白土關三百餘里八道河  
距白土關一百二十里該匪是否竄至該處老  
林抑或遠颺川境德楞泰入川追賊行走無定  
現在移營何處均須探聽明確隨派撥安幹弁  
兵分途偵探臣暫劄白土關等候如德楞泰軍

營相距匪遠卽當馳往會商剿辦倘德楞泰離  
陝較遠閻俊烈追剿之賊果在八仙河八道河  
一帶臣擬卽帶兵馳赴該處督同王兆夢喜明  
閻俊烈等先將此股零匪辦竣仍卽遵

旨馳往德楞泰軍營幫同剿賊奏入

上命軍機大臣傳諭賽沖阿曰昨據德楞泰奏報副  
將閻俊烈所剿之賊人數稍多當卽諭令賽沖阿

帶兵前往協剿今賽冲阿所奏適與朕前旨相合  
聞平利地方東面與楚境毗連斷不可任其趨入  
楚界亦勿令北向奔逃逃入南山總當上緊截剿  
就地殲除若不得已寧使逼入川境易於剿辦  
俟此起零匪全數辦竣後該將軍再赴德楞泰軍  
營協剿可也

二十四日

甲申

方維甸奏言查荷朝九一起雖已

入川距陝界不遠其另起賊匪游奕之處仍係  
陝境現當漢江水淺之時尤應認真防守德楞  
泰已派總兵達自祥叅將安定邦等帶兵二千

二百餘名於沿江防範與北岸堵禦之總兵楊

芳互爲聲援至南山零匪及各項匪徒經臣嚴

飭各員隨地搜捕節次擊獲一百餘名昨據商

州知州陳祁訪得苟文明股內黎國順一名係

屬偽總兵又苟文明殿內馮思鳳一名係與羅  
其清一同起事賊營內稱爲大師父又苟文遠  
係苟文明族弟後又改稱老文在苟文明賊營  
最久該三犯原在南山內潛匿近因查拏緊急  
不能存身先後逃往延安府甘泉縣地方經陳  
祁選派幹役帶同眼目往拏已將該三犯躡獲  
其餘南山內各路委員現無報獲之犯惟棧道



之西黑河及雲霧山一帶在鳳縣留壩畧陽沔  
縣境內山深林密無異南山且與甘省秦州階  
州山嶺相接西南一帶可由寧羌直達四川

臣

屢次札飭地方官查緝匪徒僅據畧留壩同知

劉經拏獲一名馬道驛丞黃綬拏獲一名茲

臣

詳加體訪自應照南山搜賊辦法另派員弁深  
入老林分段躡緝再查黑河雲霧山等處本係

漢中協副將唐文淑所轄該協久經軍旅熟悉  
情形臣已札令就近排搜臬司朱勳現在省城  
趕辦秋審一俟將實緩各起酌定後亦令馳往  
督率查辦奏入

上命軍機大臣傳諭方維甸曰方維甸所奏芎朝九  
一股零匪及閻俊烈所剿另起餘匪奔竄情形與  
昨日賽冲阿所奏大畧相同至商州知州陳祁訪

獲之黎國順等三名均係積年陳賊奔竄稽誅今  
經弋獲如訊明屬實卽當按律辦理陳祁緝捕認  
眞卽著該撫保奏候朕施恩並傳諭各該地方官  
嗣後如能留心緝捕有似陳祁之孳獲要犯多名  
者一經奏聞朕必一體加恩俾知鼓勵其黑河雲  
霧山一帶地方山林密無異南山且路通四川  
甘肅關係緊要自應一體嚴密排搜至軍需用欸

現有粵省洋商鹽商等公捐銀四十萬諭令倭什  
布等委員迅解陝省復令佶山於兩淮運庫撥銀  
二十萬兩解赴應用諸項充裕該撫惟當督飭局  
員等樽節備辦源源供應勿致稍有缺之

上又命軍機大臣傳諭三義助佶山曰陝省應辦善  
後事宜尙須籌款接濟著傳諭倭什布等將洋鹽  
各商所捐之四十萬兩迅派妥員徑解陝西交方

維甸收貯備用並著估山於兩淮鹽課項下撥銀  
二十萬兩一併解往陝西交方維甸收貯備用毋  
稍遲滯

二十七日

丁亥

德楞泰賽沖阿奏言

臣

德楞泰前

將竄匪逼入太平之百里荒老林分兵擊卡步  
步逼剿嗣據總兵喜明王兆夢稟懇副將閻俊  
烈所追之賊七八十名由蜀河東奔竄至平利

之水磨坪焚掠被遊擊李廷珍帶兵截剿向苟  
家垣南逃黃柏廠有入川之勢閻俊烈等官兵  
尾追喜明王兆夢帶兵已至橫山子扼截查橫  
山子等處在太平屬黃墩之東北是此兩起竄  
匪均在川陝邊界內外卽飭令隨時兼顧探截  
旋准楊遇春來信督率副將吳廷剛等帶領兵  
勇自黃連壩逐日擊卡步步進逼初三日進至

桃木坪前敵正在拏卡該逆趁雲霧迷漫從木  
克堽山梁箐林突出衝撲時吳廷剛都司劉勝  
祥等帶領奮勇官兵鄉勇迎頭仰攻該逆恃險  
下壓吳廷剛被賊匪圍住左腿受矛傷不重都  
司劉勝祥等直前救護手刃賊匪二名同把總  
馬福額外劉祥馬海等力戰又殺賊八名俱受  
矛傷陣亡官兵鄉勇內亦有傷亡者十數名楊

遇春督率叅將祝廷彪遊擊劉元明等趕到策  
應見地勢險仄卽扼住要口該逆又復來撲均  
用鎗箭轟擊三次斃賊十數名帶傷者甚多該  
逆遂由原路折遁次日該逆又向西南之火地  
衝撲總兵劉瑞副將馬應國馬元桂涵等營卡  
鄉勇推滾木石堵截斃賊三名卽行遁去該逆  
見各路均有重兵逐層圍逼勢不能越遂由箐



林內縋溜巖坎遁出石灰池翻後梁下巖又見  
北面亢河腦黃墩亦有官兵扼堵卽衝撲叅將  
馬文斌營卡希圖北走被兵勇轟擊斃賊六名  
直至四更後向豬頭崗遁去黎明馬文斌等帶  
兵追擊該逆佔踞山梁我兵攻搶再四不能競  
上相持至晚旋探該逆向漆扒老林北走兩扇  
門在川陝交界之茵扒小獅巖青草坪等處遊

奕查該處係川陝兩界中大山其北面屬陝西  
平利路通入仙河金雞河腦支河雅河其南面  
屬川境太平路通中崗溪南溪等處今該逆不  
回南奔又復北走其意仍圖渡江或冀入楚現  
在各路官兵俱在賊後如尾追緊急前途迎截  
稍遲則是驅賊北向殊爲非計當卽商令楊遇  
春督兵卽就近於螞蝗壩抄出八仙河自東北

向西南過其入楚之路令劉瑞馬應國馬元哈  
豐阿由大小亢河白溝抄出安康之太極圖至  
金雞河腦又飛札喜明王兆夢緊顧東北同達  
自祥楊芳等嚴防江岸又查川東川北只有一  
二未淨零星土匪已有都司趙琴通判劉星渠  
等協同各該地方官分投搜緝日臻寧謐惟大  
寧太平邊界該逆往來無定朝秦暮蜀必須酌

留兵力卽令遊擊涂陞等仍回大寧往來搜巡  
隨時探蹤剿辦其叅將馬文斌等兵力仍歸豐  
紳一路在於修溪壩扼住以防該逆北回南溪  
之路並可督飭遊擊畢萬年將高頭壩老林藏  
匿零匪十餘名搜捕淨盡其總兵田朝貴先於  
初七日趕抵西南之泗水沱扼截刻下賊匪北  
向相距已遠川省又無可辦之賊自應併力分

剿卽令其帶同桂涵羅思舉等兵勇由南天門抄出平利之孟石嶺一帶自北向南兜剿

臣督

率馬瑜等帶領兵勇策應亦由南天門取道青巖溝十三日行次漳河坪接准楊遇春喜明王兆夢等來信楊遇春由橫山子入陝卽派叅將祝廷彪遊擊劉元明等帶兵千餘名分投抄道探剿喜明王兆夢帶兵亦於十一日自平溪河

向八仙河北來據副將閻俊烈祝廷彪稟稱所  
追零匪在滄石河騰藏匿又探有竄匪二百餘  
名從青草坪至八仙河當經擊定營卡帶領兵  
勇迎擊該逆拚死抵敵忽滄石河騰藏匿之賊  
又來衝撲閻俊烈營卡兩路官兵竭力堵剿將  
兩股竄匪擊敗遁入吳家溝滄石河騰老林藏  
斃賊匪十餘名帶傷者二十餘名官兵廝勇內

帶傷者十餘名十二日楊遇春抵八仙河喜明  
王兆夢已至二道橋探得兩股賊匪在波羅溪  
老林內合夥卽挑派兵勇一千二百名令閻俊  
烈等馳赴明洞子扼截令祝廷彪等在正東之  
石門溝堵禦又據田朝貴稟報十四日行抵東  
西河口探得夥匪已由八王廟大梁老林走金  
雞河至大沙壩相距三十餘里卽同桂涌羅思

舉帶領兵勇迎剿。官兵趕至金雞河，即遇賊衆。我兵直前撲殺，與賊匪鏖戰兩時之久，殺斃藍頂花翎賊日二名，斃賊六名，帶傷者十餘名。餘匪遁入金雞河老林陣亡。官兵鄉勇三名帶傷，兵勇二名是古公勿遇壽喜明王兆夢劉瑞馬元馬應國閻俊烈田朝貴桂涵等各帶兵勇分投齊進，四面環攻。詎該逆等先已知覺，竄上大



山梁遁入界嶺老林該處翻山南奔卽四川太平之中岡溪南溪向東通陝之入仙河油榨坪向西走金家坪大太梁現在賊旣合夥官兵亦復雲集正可聚而掃除已飛行知會楊遇春喜明王兆蓆等仍當緊一顧東面由穿洞子大莊溪一帶前進飭令田朝貴、劉瑞桂涵馬元馬應國閻俊烈等緊躡賊尾無兩川陝窮其所向務期

痛加剽洗並行知豐紳卽由修溪壩移駐南溪

扼截

臣

查竄匪情形不離邊界老山者自因地

方險仄兵力難施且易於窺伺江岸

臣

惟有緊

顧北面絕其偷渡趕緊剽辦淨盡稍續前愆

臣

賽冲阿於十七日趕抵安康屬之漳河坪軍營

將面奉

諭旨傳知

臣

德楞泰恭聆之下實在惶懼感激涕零

現在督同楊遇春等各路兵勇抄出東北趕緊  
截剿奏入

上命軍機大臣傳諭德楞額奏賽沖阿曰此時苟朝九  
等零匪若向南遠竄自係田朝貴防剿不力卽應  
治伊之罪今賊由漆扒老林北走兩扇門在川陝  
交界之青草坪游奕又於波羅河與閻俊烈所剿  
之賊合夥該處北面一帶早經德楞額分兵兜逼

何以仍聽賊匪竄逸是其辦理不善前奏不實無  
可辭咎德榜奏辦賊遲延本應拔去雙眼花翎治  
罪姑念伊久事戎行著有勞績暫從寬免仍著傳  
旨申飭令伊戴罪立功額勒登保已於二十四日  
起身前往會剿德榜奏能於額勒登保未到以前  
一律肅清尙係伊功否則會同額勒登保於三月  
內將零匪辦竣亦尙可將功抵過倘復事遲延任

賊匪偷渡漢江延入南山則德楞泰不能辭罪矣  
吳廷剛於桃木坪地方因賊衝卡吳廷剛上前迎  
剿該匪竟敢用矛戳傷吳廷剛左腿其爲叛逆顯  
然前次德楞泰遣魏忠才等前往招撫已墮賊人  
詭計此時惟當痛加剿戮倘賊匪因逼剿緊急或  
又詐稱投首切不可輕信其言稍事姑容一誤豈  
容再誤乎務儘此三月內上緊辦完毋稍稽遲于

咎嗣後遇有會奏事件額勒登保係欽差大臣著  
列名在德楞泰之前賽沖阿列名在德楞泰之後  
所有殺賊陣亡之都司劉勝祥把總馬福額外劉  
祥馬海俱著咨部賜卹